

## Universitätsbibliothek Paderborn

**R. P. F. Ioannis Nider Ordinis Prædicatorum Theologi De  
Reformatione Religiosorvm Libri Tres**

**Nider, Johannes**

**Antverpiæ, 1611**

XV. Quando conqueruntur ad reformationem sequi pacis perturbationem,  
docet quòd duplex est pax & discordia, & quando scandalum sit  
timendum, & quando non.

[urn:nbn:de:hbz:466:1-45728](#)

cundūm litteram dicit Magister in historiis Comestor.  
 Scholasticis, partem sacerdotalem de sacri-  
 ficiis, antequam adolerent adipem, tollebāt,  
 scilicet, ab offerentibus crudam carnem, ut  
 sibi lautiū pararent eam. *Et mittebat puer  
 sacerdotis fuscinulam in ollam, & quidquid  
 leuabat fuscinula, erat sacerdotis.* Quod  
 non erat portio, sed rapina. Ex quibus om-  
 nibus modò manifestum est, quām nudos  
 se esse à veritate professi sunt reformationis  
 inimici, quando in vndecimā obiectione se  
 sæculo conformatorum multitudine arma-  
 uerunt.

## C A P V T X V.

*Quando conqueruntur ad reformationem  
 sequi pacis turbationem; docet quòd du-  
 plex est pax & discordia; & quando scan-  
 dalum sit timendum, & quando non.*

**A**D duodecimum, quando obiiciunt,  
 quòd in reformādo sequitur commu-  
 nis inter fratres turbatio pacis, cùm quidam  
 sunt voluntarij, alij inuiti: imò aliquando  
 omnes sunt in monasterio vno inuoluntarij,  
 quibus si noui in lege Dei beneuoli addan-  
 tur, aut priores expelli currentur inuiti, se-  
 quitur murmur & turbatio, pacisque fuga-  
 tur tranquillitas. Et quod longè est formi-

G 2 dabi-

dabilius, multi inde fugientes, ad alia dis-  
solutiora se transferunt monasteria, aut apo-  
statant, monialesque se nonnumquam pro-  
stituunt abominabiliter. Respondetur igitur  
primùm, quòd numquam est pax habenda  
cum vitiis; quinimò iuge bellum cum eis  
in mentis displicentiâ est habendum: dein-  
de quòd Pharisæorum scandalum non est  
curandum: & postremò, si quis ægrotus in  
animâ, correctionis medicinam voluntariè  
tenuit, non mirum si in mortem animæ ruit  
grauissimam. Non etiam abnuo pro loco &  
tempore correctionem esse differendam,  
prout videbitur in responsione sequenti ad  
argumentum decimumtertium. Pax, in-  
quam, non est habenda cum vitiis: quam-  
uis semper sic diligendi sunt homines, ita ut  
non diligentur eorum errores. Docet illud

Mat. 10.14 Christus in Euangelio, cùm dicit: *Nolite arbitrari, quia venerim mittere pacem in terram: non veni pacem mittere, sed gladium: veni enim separare hominem aduersus patrem suum, & filiam aduersus matrem suam, & nurum aduersus socrum suam: & inimici hominis, domestici eius.* Et post pauca: *Qui non accipit crucem suam, & sequitur me, non est me dignus.* Religio autem  
crux est, quam professus est Religiosus qui-  
libet. Vnde Glossa interlinearis, crucem ex-  
ponit

ponit abstinentiam ; & contra carnis vitia bellum indicendum afferit. Sunt enim apud deformatos tria potissimè vitia, auaritia, luxuria, & superba inobedientia: quibus mundus quidem inficitur, sed monasterium deteriorius. Quibus hostes iunguntur triplices, mundus, caro, dæmonia: qui diuersa mouent prælia. Mundus per proprietatis vitium ad auaritiam protrahit: caro per incotinenciam afficit: & dæmon suâ superbâ inobedientiâ, quos potest, inficit. Quibus resistendum est per tria vota Religionis principalia; ita vt, quæcumq; videntur cōtraria his vitia, pax cum eis esse non debeat. Si præterea reformationis tempore inter malos discordia nascitur, non semper hoc curandū est magnopere, vt Gregorius in Pastoralibus asserit: Sicut, inquit, multū nocet, si vñitas desit bonis: ita valdē est noxiū, si non desit malis. Si ergo peruersorum nequitia in pace iungitur, profectò eorum malis actibus robur augetur: quia quo sibi in malitiâ congruunt, eo se robustius bonorum afflictionibus allidunt. Docuit illud Apostolus Act. 23. qui, vt Pharisæi & Saducæi, qui contra eum vñiti erant, diuiderentur, clamat: *Ego Pharisæus sum, filius Pharisæorum, de spe & resurrectione mortuorum ego iudicor.* Et sic statim facta est diuisio Pharisæorum & Sa-

Greg. 3.  
par. Pasto-  
ral. c. 24.

Act. 23. 6.

G 3                   ducæo-

ducæorum, minusque fidei & Paulo nocere poterant quam antea. Nec curandum est quodlibet in malis receptum scandalum.

S.Tho.2.2. Dicit enim S.Thomas 2.2.q.43. Ea que sunt q.43. art.7. de necessitate salutis facienda, ut quæ sunt

præcepta, non debent prætermitti propter scandalum vitandum in alio. In his autem spiritualibus bonis, quæ non sunt de necessitate salutis, videtur distinguendum: quia scandalum, quod ex eis quandoque oritur, aliquando ex malitiâ procedit; cum scilicet aliqui volunt impedire huiusmodi bona spiritualia, scandalum concitando. Et hoc est scandalum Phariseorum, quod esse contemnendum Christus docet Matth.15.vbi cum

Christus Scribas & Phariseos correxisset, de hoc quod Dei præcepta propter hominum traditiones transgrederetur, qui Christi discipulos de omissione lotionis manuum Mat.15.13, correxerant, & addidisset; *Non quod intrat per os coquinat hominem, sed quod procedit ab ore;* venerunt discipuli Christi, ei dicentes: *Scis quia auditio Pharisæi verbo hoc scandalizati sunt?* Respondens Iesus, ait: *Omnis plantatio, quam non plantauit Pater meus cœlestis, eradicabitur. Sinite illos, cœci sunt, & duces cœcorum. Cœcus autem si cœducatum præbeat, ambo in foueam cadunt.* Quandoque vero scandalum procedit ex

infir-

infirmitate vel ignoratiâ: & huiusmodi scandalum est pusillorum , propter quod sunt spiritualia opera vel occultanda , vel etiam interdum differenda , vbi periculum non imminet, quo usque redditâ ratione , huiusmodi scandalum cesseret : si autem post redditam rationem huiusmodi scandalum duraret, iam videtur ex malitiâ esse; & sic propter ipsum , non sunt huiusmodi spiritualia dimittenda. Hæc S. Thomas. Et concordat in scripto suo Petrus de Tarantasiâ cum eo. Euidens autem est , quod tunc Religiosi in scando laborant Pharisæico , quando reformari debent per Visitatores aut Prelatos, admonentur quid voverint in regulâ, quod reformatio est debita , & quanta ex deformitatibus sequâtur peccata, quod causantur sibi fieri iniuriam, maledicunt & detrahunt Superioribus, vexant & turbant sæculares & Ecclesiasticos : imò sæpè minantur homicidia & verbera ; & quod peius est, nonnumquam talia opere compleant. Quæ omnia sunt Pharisæorum scandala, non omnique timenda ab his qui præsunt monasteriis. Pro quorum consolatione, etiam dictorum maiori declaratione, notandum, quod S. Thomas vbi suprà in Summâ sic determinat : Consilia, scilicet Euangelica, etiam non sunt simpliciter prætermittenda , nec

S. Tho. vbi  
sup. ad 4.

etiam opera misericordiæ propter scandala, sed sunt interdum occultanda, vel differenda propter scandalum pusillorum, ut dictum est. Quandoque tamen cōsiliorum obseruatio, & impletio operum misericordiæ, sunt de necessitate salutis. Quod patet in his qui iam voverunt consilia, & in his quibus ex debito, imminet defectibus aliorum subuenire; vel in temporalibus, puta pascendo esurientem; vel in spiritualibus, puta docendo ignorantem: siue huiusmodi fiant debita propter iniunctum officium, ut patet in Prælatis, siue propter necessitatem indigentis. Et eadem ratio est de huiusmodi, sicut de aliis quæ sunt de necessitate salutis. Hæc S. Thomas. Ex quibus primò sequitur, quod magnum imminet periculum Prælatis, qui sua possunt deformata reformare monasteria, & hoc non faciunt: quia talibus imminet ex debito defectibus subditorum subuenire; & plus in defectibus animæ quam corporis. Vnde tunc non minus propter scandalum subditorum debet eis subuenire, quam si præceptum esset, imò tunc præceptum esse potest.

Secundò sequitur, quod ad minus opportunitate captâ, reformandi sunt tales Religiosi, etiamsi nolint, in quibus transgressiones suorum votorum reperiuntur frequenter,

ter, & conformitates imminere ad sacerdotium, vbi etiam tales scandalizarentur. Patet, quia talia vota cadunt sub præcepto, & Superioribus reformare incumbit, tum propter iniunctum officium, tum etiam quia necessariò peruersi hoc indigent subditi. In talibus locum habet illa super Ezechielem B. Gregorij sententia: Si de veritate scandalum sumitur, utilius scandalum nasci permittitur, quā veritas relinquatur. Et S. Thomas vbi prius, Sub veritate, quæ est vita & doctrinæ, non solùm necessaria salutis continentur, sed etiam consiliorum obseruantia, vbi de eis est, cur ad hæc teneantur, reddita ratio, vel quando cadant sub præcepto ex voto & ex officio, aut ex necessitate quę aliqui imminet, ut dictum est paulò antea.

B. Greg.  
Hom. sup.  
Ezech.

## C A P V T XVI.

*Quando arguunt sequi lapsum grauiorem,  
& apostasiam, vel huiusmodi; ostendit  
quod propter talia non semper reforma-  
tio per Prælatos prætermitti debeat.*

**N**ec terreri semper oportet, ut decidum tertium argumentum obiicit, videlicet ex lapsu grauiori, quem quidam reformationem fugientes postmodum incurserunt: dummodò spes de reformatione, pro

G 5 plu-